

დადგენილება #ეპ. 0589-24
გაფრთხილების სახით ადმინისტრაციული სახდელის
დადების შესახებ

თბილისი

25 აპრილი 2024

1. დადგენილების გამომტანი ორგანო (თანამდებობის პირი):

ს/ს „ენერგო-პრო ჯორჯია“ სათაო ოფისის ადმინისტრაციული სამართალდარღვევის საქმის განმხილველი კომისია, კომისიის თავმჯდომარე ნინელი ბოჭორიშვილი

2. საქმის განხილვის თარიღი: 2024 წლის 25 აპრილი

3. ცნობები პირის შესახებ, რომლის მიმართ განიხილება საქმე:

შპს „კდმ-მედ KDM-MED“

მდებარე, იურიდიული მისამართი: ქ.თბილისი, დიდი დილომი, IV მ/რ, კორპ #19, ბინა #37

საიდენტიფიკაციო კოდი #401991029

ფაქტობრივი ადგილსამყოფელი: მცხეთის რაიონი, სოფელი წილკანი

4. საქმის განხილვისას დადგინდა შემდეგი გარემოებები:

2024 წლის 04 მარტს, სოფელ წილკანში, დაფიქსირდა ელ.ენერჯის უკანონოდ მოხმარების ფაქტი, კერძოდ, აბონენტ #4110532342 (მომხმარებელი შპს კდმ-მედ KDM-MED), აღრიცხვის კვანძის დათვალიერებისას აღმოჩნდა, რომ მომხმარებელი შპს კდმ-მედ KDM-MED-ს დავალიანების გამო შეწყვეტილი ჰქონდა ელ.ენერჯის მიწოდება, თუმცა შემოწმების დროს ჩართული იყო ქსელში და მოიხმარდა ელ.ენერჯი. ადგილი ჰქონდა ელ.ენერჯის მოხმარებას აღრიცხვის წესების დარღვევით. აღნიშნულ ფაქტთან დაკავშირებით შპს „კდმ-მედ KDM-MED“-ს მიმართ 11.04.2024წ შედგა ადმინისტრაციული სამართალდარღვევის ოქმი #009885, რომელსაც ხელი მოაწერა ობიექტის წარმომადგენელმა-გიორგი მარკოზაშვილმა (პ/ნ 01019068662). მან აღიარა სამართალდარღვევის ჩადენის ფაქტი და აღნიშნა, რომ შემდგომში მსგავსი აღარ განმეორდება.

სს „ენერგო-პრო ჯორჯია“

შპს „კდმ-მედ KDM-MED“-ს მიერ ელ.ენერჯის მოხმარება აღრიცხვის წესების დარღვევით (სამართალდარღვევა) წარმოადგენს პირველ შემთხვევას, რაც დასტურდება საქმეში წარმოდგენილი შსს საინფორმაციო-ანალიტიკური დეპარტამენტის საინფორმაციო ცენტრის მიერ 2024 წლის 17 აპრილს ელექტრონულად გამოგზავნილი ინფორმაციით. საქმეში, წარმოდგენილია 04.03.2024წ შედგენილი №1286903 აღრიცხვის კვანძის შემოწმება-მიღების აქტი, რომლითაც ასევე დასტურდება შპს „კდმ-მედ KDM-MED“-ს მიერ ელ.ენერჯის დატაცების ფაქტი. საქმეში დევს დადასტურება, რომ შპს „კდმ-მედ KDM-MED“-ს ეცნობა საქმის განხილვის დროისა და ადგილის თაობაზე, სხდომაზე არ გამოცხადდა შპს „კდმ-მედ KDM-MED“-ს წარმომადგენელი. გამოუცხადებლობის საპატიო მიზეზებისა თუ სხდომის გადადების თაობაზე სამართალდამრღვევს არანაირი განცხადებით არ მოუპართავს. ამდენად, კომისია უფლებამოსილია განიხილოს და მიიღოს გადაწყვეტილება ზემოაღნიშნულ საკითხზე. ადმინისტრაციულ სამართალდარღვევათა კოდექსის 236-ე მუხლის თანახმად, ადმინისტრაციული სამართალდარღვევის საქმეზე მტკიცებულებას წარმოადგენს ყველა ფაქტობრივი მონაცემი, რომელთა საფუძველზეც დგინდება სამართალდარღვევის არსებობა/არ არსებობა, თუ პირის ბრალეულობა მის ჩადენაში. განსახილველ შემთხვევაში საქმის სწორად გადაწყვეტისათვის საკმარისი მტკიცებულებებია წარმოდგენილი (სამართალდარღვევის ოქმი; აღრიცხვის კვანძის შემოწმება-მიღების აქტები; შსს საინფორმაციო-ანალიტიკური დეპარტამენტის საინფორმაციო ცენტრის ინფორმაცია; აბონენტის ბარათი; ამონაწერი სამეწარმეო რეესტრიდან; საქმის განხილვის დროისა და ადგილის თაობაზე ჩაბარების დადასტურება, მინდობილობა), რომელთა მეშვეობითაც დგინდება შპს „კდმ-მედ KDM-MED“-ს (ს/კ401991029) მიერ ადმინისტრაციულ სამართალდარღვევათა კოდექსის 96¹ მუხლის 1-ლი ნაწილით გათვალისწინებული სამართალდარღვევის ჩადენის ფაქტი, ელ.ენერჯის მოხმარება აღრიცხვის წესების დარღვევით. სამართალდარღვევის ოქმი შედგენილია ა.ს.კ 240-ე მუხლის მოთხოვნათა დაცვით. დაცულია ადმინისტრაციული სამართალდარღვევათა კოდექსის 38-ე მუხლის 1-ლი ნაწილით დადგენილი ადმინისტრაციული სახდელის დადების სამთვიანი ვადა.

5. ადმინისტრაციული სამართალდარღვევის საქმის განხილველმა კომისიამ იხელმძღვანელა საქართველოს ადმინისტრაციულ სამართალდარღვევათა კოდექსის 96¹ მუხლის პირველი ნაწილით; მე-10; 38-ე; 236-ე; 240-ე; 228²-ე მუხლებით; 266-ე მუხლის მე-4 ნაწილით; სემეკის სემეკის 12.08.10წ. #14 და 28.06.2021წ. #19 დადგენილებებით; ს/ს „ენერგო-პრო ჯორჯიას“ 30.06.2022წ RU2022007 წესით, 10.10.2022წ. #OR2022037 ბრძანებით და:

დავადგინე:

სს „ენერგო-პრო ჯორჯია“

6. შპს „კდმ-მედ KDM-MED“ (ს/კ401991029) ცნობილ იქნეს ადმინისტრაციულ სამართალდამრღვევად ა.ს.კ. 96¹ მუხლის 1-ლი ნაწილით გათვალისწინებული სამართალდარღვევისათვის და დაედოს ადმინისტრაციული სახდელი – გაფრთხილების სახით.

7. იგივე ქმედება, ჩადენილი განმეორებით, გამოიწვევს ფიზიკური პირის დაჯარიმებას 100 ლარის ოდენობით, იურიდიული პირისა და დაწესებულების დაჯარიმებას 15 000 ლარის ოდენობით.

8. დადგენილება შეიძლება გასაჩივრდეს მისი ჩაბარებიდან/საჯაროდ გამოცხადების გზით ჩაბარებულად ჩათვლიდან 10 დღის ვადაში საქართველოს ენერგეტიკისა და წყალმომარაგების მარეგულირებელ ეროვნულ კომისიაში (მის: თბილისი, მიცკევიჩის ქ.#19).

9. სპეციალური საექსპერტო დაწესებულებისა (ექსპერტისა) და თარჯიმნისათვის ასანაზღაურებელი მომსახურების ხარჯების კომპენსაციის საკითხი:

უფლებამოსილი პირის ხელმოწერა:

5. 

კომისიის თავმჯდომარე
ნინელი ბოჭორიშვილი